

Նոր ստացուած գրքեր եւ հրատարակութիւններ

Խմբագրութիւնս ստացել է հետեւեալ նոր հրատարակութիւնները.

Հ. Առաքելեանի Հանրամատչելի գրադարանի XI գիրքը: Ձեռնարկ տարրական հրամարանութեան, Հոգեբանութեան եւ Բանահիւսութեան կողմ. Հ. Առաքելեան. տպուած է Թիֆլիս «Էպօխա» տպարանում 1907 թուին. 208 էրես. գինն է 50 կոպէկ:

— Գ. Ենգիբարեան. Մատենախօսութիւն տպ. էլէքտրատպարան օր. Ն. Աղանեանի 1909 թ. 414 էրես գինն է 1 ռ. 25 կ.

— Լումայ ամսագրի № 1 Յունուարի համարը:

— Նոր դպրոց ամսագրի № 1 յունուարի համարը:

Այս մանկավարժական թերթը, որ թեւակոխել է իւր գոյութեան երկրորդ տարին, հրատարակում է Թիֆլիսում «Ուսուցչական Միութեան» վարչութեան ջանքերով եւ հետզհետէ աւելի հետաքրքիր է դառնում. սակայն նոյն Միութեան յայտարարութիւնից երևում է, որ մեր Ծխական դպրոցների ուսուցիչները այնքան էլ ջերմ աջակցութիւն չեն ցոյց տալիս դէպի այդ հայերէն մանկավարժական միակ ամսագիրը: Ուսուցիչները համար նշանակուած է տարեկան 3 ռ. բաժանորդագին: Մի՞թէ մեր մանուկ սերնդի դաստիարակ ուսուցիչները օրական 1 կոպէկ չեն կարող խնայել իրանց պարապմունքների համար անհրաժեշտ գիրքը ձեռք բերելու:

Մի՞թէ կարող են մեր ուսուցիչները իրանց նիւթական նեղ դրութիւնը պատճառ բռնելով հրաժարուել օրական 1 կոպէկի զոհողութիւնից: Մենք որքան գիտենք, մեր Ծխական դպրոցներում (գիւղերում) 300 ռ. պահած ռոճիկ ստացող չկայ, ուրեմն դոքա պիտի տան ռոճիկ 10|0-ը: Արդ կարո՞ղ են եւ իրաւունք ունենալ նոքա հրաժարուել մտաւոր սնունդի համար 10|0 ծախսել, երբ 990|0 ծախսում են իրանց ստամոքսի եւ ֆիզիքական այլ պէտքերի համար: Մենք մեր կողմից յորդորում ենք մեր ուսուցիչներին արձագանք տալ Նոր-Դպրոցի Խմբագրութեան կոչին եւ թոյլ չտալ որ նա մեռնի, որի մահը ապացոյց է լինելու մեր ուսուցիչների անընթերցասիրութեան:

— «Հասկեր» մանկական պատկերազարդ ամսագրի ներկայ տարուայ 1 համարը, որ կազմուած է բաւական խնամքով ու հետաքրքրական մանուկների ընթերցանութեան համար: Նոյն

համարի հետ ուղարկուած էր «Վարդան Մամիկոնեանը Աւարայրի դաշտում» մեծագիր նկարը:

— «Աղբիւր» մանկական ամսագրի ներկայ տարուայ առաջին համարը Գեղամիւնջիկ և Լև Տոլստայեան համարի ձրի յաւելուածներով: «Աղբիւրի» խմբագիրն յայտարարում է, որ հնարաւութիւն ունի դպրոցական աշակերտներին և աշակերտուհիներին 1909 թուի ամբողջ տարուայ համարները (12 ամիս) ուղարկել 3 ռ. տեղ 1 ռուբլիով: Գովելի է պ. Նաղարեանի ջանքն ու եռանդը: Յանձնարարում ենք ծնողներին օգտուել հանդամանքից և գոնէ այդպիսի շնչին գնով իրանց երեխաներին սնունդ մատակարարել արատաւոյ դպրոցի հանգստեան ժամերին:

— Էմինեան ազգագրական ժողովածուի է. հատոր, որ պարունակում է 1. Ընդհանուր ազգագրական յօդուածներ և 2. Կոյտուրի պատմութիւնը Յ. Լիպպեցտի. ապուած Մոսկուայում 1908 թ. 221 երես գինն է մի ռ.

— Տորեկան հաշիւ ազգային, կրօնական բարեգործական և կրթական հաստատութեանց Նոր Զուղայի վասն 1906 ամի. ապուած 1908 ամի ի Նոր Զուղայ:

— Հաշիւ Ախալքալակի եկ. ծխական երկսեռ դպրոցների 1905—6, 1906—7, 1907—8, ռւս. տարուայ: Տպուած 1908 թուին:

